

以白鴿毛糞燒灰飲和服之

楊氏產乳癩中蠱毒

生玳瑁以水磨如濃飲服一盞自解

聖惠方治小兒中蠱下血欲死

搗青藍汁頻頻服半合

治卒中溪毒方第六十四

姚氏中水毒祕方

取水萍曝乾以酒服方寸七差止又云中水病手足指冷卽是若暖非也其冷或一寸極或竟指未過肘膝一寸淺至於肘膝爲劇

道藏輯要

肘後備急方

全

虛集十一

葛氏水毒中人一名中溪一名中灑

東人呼爲蘇駭切

一名水病似射

工而無物其診法

初得之惡寒頭微痛目注疼心中煩懊四肢振淅骨節皆強筋急但欲睡旦醒暮劇手逆冷三日則復生蟲食下瘡不痛不痒不冷人覺視之乃知不卽療過六七日下部膿潰蟲食五藏熱極煩毒注下不禁八九日良醫不能療覺得急當深視下部若有瘡正赤如截肉者爲陽毒最急若瘡如蠡魚齒者爲陰毒猶小緩要皆煞人不過二十日欲知是中水毒當作數升湯以小蒜五寸以咀投湯中莫令大熱熱卽無力振去滓適寒溫以浴若身體發赤斑文者又無異證當以他病

療之也

病中水毒方

取梅若桃葉搗絞汁三升許以少水解爲飲之姚云小兒不能飲以汁傅乳頭與之

又方常思草搗絞飲汁一二升并以綿染寸中以導下部日三過卽差

又方搗藍青汁以少水和塗之頭面身體令匝

又方取梨葉一把熟搗以酒一杯和絞服之不過三

又方取蛇莓草根搗作末服之并以導下部亦可飲汁一二升夏月常行欲入水浴先以少末投水中流更無所畏又辟射

道藏輯要

肘後備急方

齒

虛集十一
川文

工家中雖以器貯水浴亦宜少末投水中大佳

今東間諸山縣無不病溪毒春月皆得亦如傷寒呼爲溪温未必是射工輩亦盡患瘡痢但寒熱煩疼不解便致死耳方家用藥與傷寒温疾相似令施其單法

五加根燒末酒若漿水飲之荊葉汁佳千金不傳祕之

又方密取蓼搗汁飲一二合又以塗身令周匝

取牛膝莖一把水酒共一杯漬絞取汁飲之日三雄牛膝莖紫色者是也

若下部生瘡已決洞者

秫米一升鹽五升水一石煮作糜坐中卽差

又方桃皮葉熟搗水漬令濃去滓著盆中坐漬之有蟲出
又方阜茨燒末綿裹導之亦佳又服牡丹方寸七日三服

治卒中射工水弩毒方第六十五

江南有射工毒蟲一名短狐一名賊常在山間水中人行及水
浴此蟲口中橫骨角弩啣以射人形影則病其診法

初得或如傷寒或似中惡或口不能語或惡寒熱四肢拘急
且可暮劇困者三日齒間血出不療卽死其中人有四種初
覺則偏身體視之其一種正黑如墨子而繞四邊但觸遇犯
之如刺狀其一種作瘡瘡久卽穿陷一種突起如石痛徹骨髓
其一種如火灼人肉燥起作瘡此種最急並皆煞人居溪傍
道藏輯要

肘後備急方

全

虛集十一

隰地天大雨或逐人行潦流入人家而射人又當養鵝鴨亦
可以良人行將純白鵝以辟之白鴨亦善帶如生犀角佳也
若見身中有此四種瘡處便急療之

急周繞編去此瘡邊一寸輒灸一處百壯瘡亦百壯差

又方赤莧莖葉搗絞取汁飲之以萍傅之姚云服七合日四五
服

又方葫蒜令傅以搗瘡上灸蒜上千壯差

又方白鷄矢白者二枚以小錫和調以塗瘡上

又方鼠婦蟲鼓各七合巴豆三枚去心合猪脂但以此藥塗之
又方取水上浮走鼓母蟲一枚置口中便差云此蟲正黑如大